




44.35282  
0472




24年




集 謝

宣

城





序

南齊吏部郎謝朓長五言詩其在宣城所賦藻纘尤精故李太白詠澄江之句而思其人杜少陵亦曰詩接謝宣城也余至郡視事之暇哀取郡舍石刻并宣城集所載謝詩纔得二十餘首繼得蔣公之奇所集小謝詩以昭亭廟疊嶂樓綺霞閣所刻及文選玉臺新詠本集所有合成一編共五十八篇自謂備矣然小謝自有全集十卷但世所罕傳如宋海陵王墓誌集中有之而筆談乃曰此銘集中不載蓋雖存中之博亦未之見也而余家舊藏本偶有之考其上五卷

賦與樂章之外詩乃百有二首而唱和聯句他人所  
附見者不與焉以是知蔣公所謂本集者非全集矣  
於是屬之僚士參校謬誤雖是正已多而有無他本  
可證者故猶有關文錄版傳之目曰謝宣城詩集其  
下五卷則皆當時應用之文衰世之事其可采者已  
載於本傳文選餘祝詩劣焉無傳可也遂置之紹興  
丁丑秋七月朔東陽婁炤題

跋

謝公詩名重天下在宣城所賦爲多故杜少陵以謝  
宣城稱之在宣城宜有公之集矣後公六百五十餘  
年樞密樓公始克錄之木距今又六十四年字畫漫  
毀幾不可讀是用再刻於郡齋以永其傳嘉定庚辰  
冬十二月望鄱陽洪伋識

予以嘉慶丙辰重梓宣城集用盧學士依宋校  
本明年夏過吳趨顧千里茂才爲言黃堯圃孝  
廉有兩宋本宣城集俱佳堯圃因卽錄其序跋  
目錄見遺子喜過望細讀之蓋卽陳直齋所云

東陽樓炤原本而鄱陽洪倂嘉定庚辰重刻者  
也宋本全書體格較此稍異每葉二十行行十  
八字目次行款亦多不同亟取序跋補刊入集  
并書顛末以著良友之惠云丁巳天中前一日  
騫載跋

本傳

蕭子顯南齊書

謝朓字元暉陳郡陽夏人也祖述吳興太守父緯散  
騎侍郎朓少好學有美名文章清麗解褐豫章王太  
尉行參軍應隨王東中郎府轉王儉衛軍東閣祭酒  
太子舍人隨王鎮西功曹轉文學子隆在荊州好辭  
賦數集僚友朓以文才尤被賞愛流連晤對不捨日  
夕長史王秀之以朓年少相動密以啟世祖敕曰侍  
讀虞雲自宜恆應侍接朓可還都按南史曰秀之以  
朓年少相動欲以  
啟聞朓知之道中爲詩寄西府曰嘗恐鷹隼擊秋菊  
因事求還委嚴霜寄言尉羅者寥廓已高翔遷新安王中軍記

室眇戕辭子隆曰眇聞潢汙之水思朝宗而每竭鴛  
蹩之乘希沃若而中疲何則皋壤搖落對之惆悵歧  
路東西或以鳴悒況乃服義徒擁歸志莫從邈若墜  
雨廳似秋蒂眇實庸流行能無算屬天地休明山川  
受納褒采一介搜揚少善捨耒場圃奉筆兔園東泛  
三江西浮七澤契闢戎旃從容讌語長裾日曳後乘  
載脂榮立府廷恩加顏色沐髮晞陽未測涯涘撫臆  
論報早誓肌骨不悟滄溟未運波臣自蕩渤澥方春  
旅翩先謝清切蕃房寂寥舊華輕舟反泝弔影獨留  
白雲在天龍門不見去德滋永思德滋深惟待青江

可望候歸艤于春渚朱邸方開効蓬心于秋實如其

簪履或存衽席無改雖復身填溝壑猶望妻子知歸

攬涕告辭悲來橫集南史曰時荊州信去倚待尋以

本官兼尚書殿中郎隆昌初敕眇接北使眇自以口

訥啓讓不當見許高宗輔政以眇爲驃騎諮議領記

室掌霸府文筆又掌中書詔誥除祕書丞未拜南史無此

句仍轉中書郎出爲宣城太守以選復爲中書郎建

武四年南史無出爲宣城以下一十六字出爲晉安王鎮北諮議南

東海太守行南徐州事啓王敬則反謀上甚嘉賞之

遷尚書吏部郎眇上表三讓中書疑眇官未及讓以

問祭酒沈約約曰宋元嘉中范蔚宗讓吏部朱脩之讓黃門蔡興宗讓中書竝三表詔答具事宛然近世小官不讓遂成恆俗恐此有乖讓意王藍田劉安西竝貴初不自讓今豈可慕此不讓邪孫興公孔顛竝讓記室今豈可三署皆讓邪謝吏部今授超階讓別有意豈關官之大小撝謙之美本出人情若大官必讓便與詣闕章表不異例既如此都自非疑眺又啓讓上優答不許眺善艸隸長五言詩沈約常云二百年來無此詩也敬皇后遷耐山陵眺撰哀冊文齊世莫有及者東昏失德江祜欲立江夏王寶元末更回

惑與弟祀密謂眺曰江夏年少輕脫不堪負荷神器不可復行廢立始安年長入纂不乖物望非以此要富貴政是求安國家耳遙光又遣親人劉渢密致意于眺欲以為肺腑眺自以受恩高宗非渢所言不冝答少日遙光以眺兼知衛尉事眺懼見引即以祜等謀告左興盛劉暄南史曰又說劉暄曰始安一旦南為反覆人爾暄陽驚馳告始安王及江祜始安欲出眺為東陽郡祜固執不與先是眺常輕祜為人祜嘗詣眺眺因言有一詩呼左右取既而便停祜問其故曰定復不急祜以為輕已後祜及弟祀劉渢劉晏俱候眺眺謂祜曰可謂帶二江之雙流以嘲弄之祜興轉不堪至是構而害之詔暴其過惡收付廷尉

盛不敢發言祜聞以告遙光遙光大怒乃稱敕召眺

仍回車付廷尉與徐孝嗣祜暄等連名啓誅眺曰謝  
眺資性險薄大彰遠近王敬則往構凶逆微有誠効  
自爾昇擢超越倫伍而谿壑無厭著于觸事比遂扇  
動內外處處姦說妄貶乘輿竊論宮禁間謗親賢輕  
議朝宰醜言異計非可具聞無君之心既著共棄之  
誅宐及臣等參議宐下北里肅正刑書詔公等啓事  
如此眺資性輕險久彰物議直以彫蟲薄伎見齒衣  
冠昔在渚宮構扇藩邸日夜從諛仰窺俯畫及還京  
師翻自宣露江漢無波以爲己功素論于茲而盡縉  
紳所以側目去夏之事頗有微誠賞擢曲加踰邁倫

序感悅未聞陵競彌著遂復矯構風塵妄惑朱紫詆

貶朝政疑間親賢巧言利口見醜前志涓流纖孽作

戒遠圖宐有少正之刑以申去害之義便可收付廷

尉肅明國典又使御史中丞范岫奏收眺下獄死時

年三十六南史曰臨終謂門賓曰寄語沈初眺告王

敬則反敬則女爲眺妻常懷刀欲報眺眺不敢相見

及爲吏部郎沈昭略謂眺曰南史曰及當拜吏部謙

之卿人地之美無忝此職但恨今日刑於寡妻南史曰卿

人才無慙小選但恨不眺臨敗歎曰我不殺王公王

公由我而死南史曰及臨誅歎曰天道其不可昧乎

人才會稽孔頴粗有才筆未為時知孔珪嘗令艸讓  
 表以示朧朧嗟吟良久手自折簡寫之謂珪曰士子  
 聲名未立應共獎成無惜齒牙餘論其好善如此朧  
 及殷叡素與梁武以文章相得帝以大女永興公主  
 適叡子鈞第二女永世公主適朧子謨及帝為雍州  
 二女並暫隨母向州及武帝即位二主始隨內還武  
 帝意薄謨又以門單欲更適張宏策子策卒又以與  
 王志子諲而謨不堪恨為書狀如詩贈主主以與  
 帝甚蒙矜歎而婦終不得還尋用謨為信安縣稍  
 遷王府諮議時以為沈約早與朧善為制此書云

謝宣城詩集目錄

卷第一

賦

酬德賦 并序

七夕賦 奉護軍王命作

杜若賦 奉隨王教作

遊後園賦 奉隨王教作

擬宋玉風賦 奉司徒教作

思歸賦 并序

高松賦 奉司徒竟陵王教作

野鴛賦 并序

臨楚江賦

樂歌

雩祭歌 建武二年明堂辭

四言詩

侍宴華光殿曲水奉敕為皇太子作

三日侍宴曲水宴代人應詔

三日侍宴曲水代人應詔

卷第二

鼓吹曲

元會曲

鈞天曲

出藩曲

從戎曲

郊祀曲

入朝曲

校獵曲

送遠曲

登山曲

泛水曲

同沈右率諸公賦鼓吹曲名先成為次

芳樹

沈右率 約

當對酒

范通直 雲

臨高臺

朏時為隨王文學

巫山高

王尹丞 融

有所思

劉中書 繪

同前再賦

芳樹

朏

同前

融

臨高臺

有所思

巫山高

同前

同賦雜曲名

陽春曲

淶水曲

採菱曲

秋竹曲

白雪曲

約

融

繪

雲

檀秀才

江朝請

陶功曹

朓時爲宣城守

朱孝廉

永明樂

第一

第三

第五

第七

第九

玉階怨

王孫遊

江上曲

同謝諮議詠銅爵臺

第二

第四

第六

第八

第十

金谷聚

銅爵悲

曲池之水

卷第三

五言詩

將發石頭上烽火樓

答王世子

答張齊興

酬王晉安

暫使下都夜發新林至京邑贈西府同僚

始出尚書省

直中書省

觀朝雨

新亭渚別范零陵

雲

之宣城郡出新林浦向板橋

始之宣城郡

宣城郡內登望

冬日晚郡事隙

後齋迴望

落日悵望

望三湖

遊山

賽敬亭山廟喜雨

祀敬亭山廟

遊敬亭山

賦貧民田

與江水曹至濱干戲

送江水曹還遠館

送江兵曹檀左簿朱孝廉還上國

臨溪送別

將遊湘水尋句溪

忝役湘州與宣城吏民別

休沐重還丹陽道中

移病還園示親屬 出下館

遊東田 秋夜講解

秋夜 春思

治宅

冬緒羈懷示蕭諮議 虞田曹劉江二常侍

懷故人 夜聽伎二首

京路夜發 晚登三山還望京邑

高齋視事

郡內高齋閑望答呂法曹 呂僧珍為齊王法曹

卷第四

直石頭

蕭衍

和蕭中庶直石頭

經劉瓛墓下 隨郡王蕭子隆

登山望雷居士精舍同沈右衛過劉先生墓

下作 并序 竟陵王蕭子良

奉和 虞炎

奉和 柳惲

奉和 沈約

奉和竟陵王同沈右率過劉先生墓

離夜

同前

江丞

同前

王常侍

餞謝文學

沈右率

同前

虞別駕

同前

范通直

同前

王中書

同前

蕭記室

同前

劉中書

和別沈右率諸君

卧疾敘意

王秀之

和王長史臥病

行園

沈約

和沈祭酒行園

北戍琅邪城

江孝嗣

和江丞北戍琅邪城

昧旦出新亭渚

徐勉

和徐都曹出新亭渚

入琵琶峽望積布磯

劉繪

和

在郡臥病呈沈尚書

答謝宣城

沈約

和何議曹郊遊二首

和劉西曹望海臺 和王中丞聞琴

和伏武昌登孫權故城

夏始和劉孱陵 和宋記室省中

和王著作融八公山

和王主簿季哲怨情

贈王主簿二首 同王主簿有所思

落日同何儀曹烈 和紀參軍服散得益

新治北窗和何從事

同羈夜集

卷第五

奉和隨王殿下

其一 其二

其三 其四

其五 其六

其七 其八

其九 其十

十一 十二

十三 十四

十五 十六

詠風

詠竹

詠薔薇

詠蒲

詠兔絲

詠落梅

遊東堂詠桐

詠牆北梔子

同詠樂器

琵琶

王融

箎

沈約

琴

同詠坐上器玩

竹檳榔盤

沈約

烏皮隱几

同詠坐上所見一物

幔

王融

簾

虞炎

席

柳惲

同前

詠竹火籠

沈約

同前

詠鏡臺

詠燈

詠燭

詠邯鄲故才人嫁為厮養卒婦

詠溪鵝

聯句

阻雪

還塗臨渚

紀功曹中園

閑坐

侍筵西堂落日望鄉


祀敬亭山春雨

往敬亭路中

謝宣城詩集卷第一

酬德賦 并序

右衛沈侯以冠世偉才眷予以國士  
 將南牧見贈五言予時病既以不堪莅職又不獲復  
 詩四年予忝役朱方又致一首迫東偏寇亂良無暇  
 日其夏還京師且事讌言未遑篇章之思沈侯之麗  
 藻天逸固難以報章且欲申之賦頌得盡體物之旨  
 詩不云乎無言不酬無德不報言既未敢為酬然所  
 報者寡于德耳故稱之酬德賦其辭曰  
 悲夫四游之代序六龍驚而不息輕蓋靡于駿奔玉



衡勞于拊翼嗟歲晏之慙歡曾陰默以悽惻元武伏  
於重介宛虹潛以自匿覽其物之用舍相羣芳之動  
植弔悴軀於華省理衣簪而自敕思披文而信道散  
奮懣於曾臆嗟民生之知用知莫深於知己彼知己  
之爲深信懷之其何已牽弱葛之蔓延寄陵風於松  
杞指曲蓬之直達固有懣於原泉彼排虛與蹠實又  
相鳴於林沚興伐木於友生詠承筐於君子矧景行  
之在斯方寄言于同恥求相仁于積習寓神心于名  
理惟敦牂之旅歲實興齊之二六奉武運之方昌觀  
休風之未淑龍樓儼而洞開梁邸煥其重複君奉筆

於帝儲我曳裾於皇穆藉風雲之化景申遊好於蘭  
菊結德言而爲佩帶芳猷而爲服援雅範以自綏懿  
前修之所勛昔仲宣之發穎實中郎之倒屣及士衡  
之籍甚託壯武之高義有杞梓之貞心協丹采之輝  
被伊吾人之陋薄雖黼藻之何寘惟風雅之未變知  
雲網之不廓譬曾棟之將傾必華棖之先落翳明離  
以上賓屬傳體於纖萼周二輝而分崩擠九鼎於重  
壑雖魚鳥之欲安駭風川而迴薄微天道之布新嗟  
員首其焉託予窘迹以多媿塊離尤而獨處君紆組  
於名邦貽話言於洲渚悵分手於東津望徂舟而延

仙慮古今之爲隔豈山川之云阻賴先德之龍興奉  
英靈之電舉事紫泥之密勿腰青綯而容與沾後惠  
以竭來竟卒獲其笑語我艤舟以命徒將汨徂於南  
夏旣勛予以炯戒又引之以風雅若笙簧之在聽雖  
舒憂而可假昔疢病於漳濱思繼歌而莫寫恩靈降  
之未已奉京粉而作傅臨邦途之永陌懷余馬於騏  
驎望平津而出宿登崇岡而興賦顧飛幘之南迴引  
行鑣而東驅何瓌才之博侈申贈辭於萱樹指代匠  
而切偲比治素而引喻方含毫而報章迫紛埃之東  
驚釋未位以言歸忽乘駟以南赴連篇章之莫訓欲

寄言於往句類鍛翮之難矯似洞源之不注意搔搔  
以杼柚魂營營而馳騫爾腰戟於戎禁我拂劔於郎  
闈願同車以日夜城望昏而掩扉時遊盤以未極睭  
落景之徂輝苦清顏之倏忽吝歡賞之多違排重關  
而休告知南館之有依驗職門以右轉僕望路其如  
歸忘清漏之不緩惜曉露之方晞聞夫君之東守地  
隱蓄而懷僊登金華以問道得石室之名篇悟寰中  
之迫脅欲輕舉而舍旃離寵辱於毀譽去天伐於腥  
羶忽攜手以上征躋中皇之脩迴巾帝車之廣軾棹  
河舟之輕艇歷星街之熠耀浮天潢之溟溟機九轉

於玉漿練七明於神鼎吹萬化而不喧度千春之可  
竝齊天地於倏忽安事人間之紆綈哉

思歸賦 并序

夫鑒之積也無厚而納窮神之照心之徑也有域而  
懷重淵之深余少而薄遊身 防方思 俄然萬里

晚自 省諒非一塗何則 此後闕

余菲薄以固陋受恩靈而不訾拖銀黃之沃若剖金  
符之陸離舟未濟而河廣途方遙而馬疲忽中寢而  
念厲魂申旦而九移昔受教於君子逢知己之隆眄  
被名立之羽儀沾宦成之藻綯羌服義而不怠豈臨

岐而渝 宋作喻 依何改 變勢方迅於轉圓理好旋於奔電援

弱葛而能升踐重岡而不眩信禔福之非已寧悔禍  
其如見大明廓以高臨吹萬忻而同悅跨神皋之沃

衍奉英藩之睿智 近刻作哲案下有賴遐討於先哲  
必不復用疑智可讀哲如逸周書

之誓亦 通哲也 承比屋之隆化踵芳塵之餘烈懷齷齪之褊

心無夸毗之誕節竟伊鬱而不怡賴遐討於先哲紛  
吾生之遊蕩彌一紀而歷茲自下車於江海涉青春

於是時睠崇岡而引領望大夏而長思雖曲街之委  
陋猶寤寐而見之況神交而通夢眇河漢於佳期爾

乃眷言薄暮南眺悠然將整歸轡願受一塵考華城

之直陌相洛浦之迴阡連飛甍於故友接閑館以懷  
僊臨南場以藝藿寄北池而采蓮睇微莖之霍霍望  
水葉之田田乃翦山木不日爲功非輪非奩去斲去  
礮夜索綯而繞繞且乘屋而芘芘竹櫺踣區而經北  
繩閉窈窕以臨東布茵蕭於疎櫟織葵藪於迴櫛于  
是籬插芳槿門拂長楊園桃春發窗竹夏涼晨露晞  
而草馥微風起而樹香無芬菲以襲予空旖旎於都  
房恆離居以歲月庸銷落而徒傷我聞時命有殖無  
遷徵事或在求理未甄譬豐草之區別隨霜露而天  
延背萱鮮於堂北尙幽幽而未捐苟外物以能惑亦

在應而無騫況朝霞之采可嚙瓊扉之飾方宣養以  
虛白之氣悟以無生之篇豈加璧之贈可動執珪之  
位能纏歸來薄暮聊以永年

七夕賦

奉護軍  
王命作

金祇司矩火曜方流素鍾登御夷律鳴秋朱光旣夕  
涼雲始浮盈多露之霽霽升明月之悠悠步廣階而  
延睇屬天媛之淹留嗟斯靈之淑景招好仇於服箱  
邁姮娥而擢質凌瑤華而擅芳厭白玉以爲飾霏丹  
霞而爲裳迴龍駕之容裔亂鳳筦之淒鏘騰燭光於  
西極命二妃於瀟湘軾帝車而捐玦凌天津而上翔

詩經集卷一  
五  
悵漢渚之夕漲忻河廣之既梁臨瑤席而宴語綿合  
睇而蛾揚嗟蘭夜之難永泣會促而怨長忌織阿之  
方駕吝長庚之末光撫鳴琴而修況近刻浩安歌而  
自傷歌曰清絃愴兮桂觴酬雲幄靜兮香風浮龍鑣  
蹀兮玉鸞整睠星河兮不可留兮雙袂之一斷何四  
氣之可周斯乃嚮像恍惚彷彿幽暖耳之無聞目之  
無績故鍾鼓聞而延子隱白日沈而季后對豈形器  
之所求亦理將其如昧君玉壯思風飛冲情雲上顧  
楚詩而縱轡瞻蘭書而競爽實研精之多暇聊餘日  
之駘蕩賦幽靈以去惑排視聽而元往晒陽雲於荆

夢賦洛篇於陳想乃澄心而閑邪庶綢繆於茲賞

高松賦

奉司徒竟陵王敎作

闕品物於幽記訪叢育於祕經巡汜林之珍望識斯  
松之最靈提於巖以羣茂臨於水而宗生豈榆柳之  
比性指冥椿而等齡若夫修榦垂陰喬柯飛穎望肅  
肅而既閑卽微微而方靜懷風音而送聲當月露而  
畱影既芊眠於廣隰亦迢遰於孤嶺集九仙之羽儀  
棲五鳳之光景固松木之爲選貫山川而自永爾乃  
青春受謝雲物含明江皋綠草暖然已平紛弱葉而  
凝照競新藻而抽英陵翠山而如翦施懸蘿而其輕

至於星迴窮紀沙鴈相飛同雲映其無色陽光沈而  
滅暉卷風颺之吸歛積霰雪之嚴霏豈彫貞於歲暮  
不受令於霜威若乃體同器制質兼上才夏書稱其  
岱畎周篇咏其徂徠乃屈己以宏用構大壯於雲臺  
幸爲玩於君子留神心而顧懷君王乃徙讌蘭室解  
珮明椒攀幽蘭於夕陰詠聳榦於琴朝陵高邛以致  
思御風景而逍遙夷黻冕之隆貴懷汾陽之寂寥邈  
道勝於千禩蘊神理而自超夫江海之爲大實涓澮  
之所歸瞻衡恆之峻極不讓壤於塵微嗟孤陋之無  
取幸聞道於清徽理弱羽於九萬愧不能兮奮飛

杜若賦

奉隨王敎作時年  
二十六於坐獻

憑瑤圃而宜游臨水木而延伫柳含色於遠岸泉鏡  
流於枉渚蔭綠竹以淹留藉幽蘭而容與覽茲榮之  
悅茂紛爲芳於清籟觀夫結根擢色發曜垂英綠春  
巒以織布蔭涼潭而影清景奕奕以四照枝靡靡而  
葉傾冒霜蹊以獨舊當春郊而逕平攀汀洲以企予  
懷石泉於幽情嗟中巖之織草厠金芝於芳叢夕舒  
榮於溽露旦發彩於春風承羲陽之光景庶無悲於  
轉蓬

野鷺賦

并序

有門人斃一野鷺因以爲獻予時命以登俎用待賓  
客客有愛其羽毛請予爲賦其詞曰

夫何羅人之伎巧薦江海之逸禽落摩天之迅羽絕  
歸飛之好音碎文錦之丹臆裂雕綺之翠衿孤雛驚  
以靡翼羈雌叫而莫尋越滄流以遠致乃交貿以兼  
金因闍寺以傳請排邃戶以重深貴敷衽以取愛願  
登俎以甘心

遊後園賦

奉隨王  
教作

積芳兮選木幽蘭兮翠竹上蕪蕪以蔭景下田田兮  
被谷左蕙畹兮彌望右芝原兮寫目山霞起而削成

水積明以經復於是做風閨之藹藹聳雲館之茗茗  
周步欄以升降對玉堂之沈寥追夏德之方暮望秋  
清之始飈藉宴私而遊衍時晤語而逍遙爾乃日棲  
榆柳霞照夕陽孤蟬以散去鳥成行惠氣湛兮帷殿  
肅清陰起兮池館涼陳象設兮以玉瑱粉蘭藉兮咀  
桂漿仰微塵兮美無度奉英軌兮式如璋藉高文兮  
清談預含毫兮握芳則觀海兮爲富乃游聖兮知方

臨楚江賦

爰自山南薄暮江潭滔滔積水裊裊霜嵐憂與憂兮  
竟無際客之行兮歲已嚴爾乃雲沈四岫風蕩中川

馳波鬱素駭浪浮天明沙宿莽石路相懸於是霧隱  
行鴈霜眇虛林迢迢落景萬里生陰冽攢笳兮極浦  
弭蘭鷁兮江潯奉玉罇之未暮滄 勝之芳音願希  
光兮秋月庶永照於遺簪

擬宋玉風賦

奉司徒  
敎作

起日域而搖落集桂宮而送清開翠帳之影藹響行  
珮之輕鳴揚淮南之妙舞發齊后之妍聲下鴻池而  
蓮散上爵臺而雲生至於新虹明歲高月照秋眸儀  
迺豫沖想雲浮鄒馬之賓咸至申穆之醴已酬朝役  
登樓之詠夕引小山之謳厭朱邸之沈邃思輕舉而

遠游驪驪之馬魚躍飄鑿車而水流此乃宋玉近刻  
作大  
王之盛風也若夫子雲寂寞叔夜高張煙霞潤色荃  
蕙結芳出礪幽而泉列入山戶而松涼眇神王於邱  
壑獨超遠於孤觴斯則幽人之風也

樂歌

雩祭歌

建武二年  
明堂辭

清明暢禮樂新候龍景選貞辰  
陽律亢陰晷伏耕下土荐稷秬  
宸儀警王度宣瞻雲漢望旻天  
張盛樂奏雲舞集五精延帝祖

雩有諷崇有秩秬鬯芬圭瓚苾  
靈之來帝闈開車煜燿吹徘徊  
停龍轅徧觀此凍雨飛祥雲靡  
壇可臨奠可歆對毗祖鑒皇心

右迎神歌八章章四句句三言

濬哲維祖長發其武帝出自震重光御寓七德攸宣  
九疇咸敘靜難荆衡凝威螽浦

昧且不承夕惕刑政化一車書德馨柔盛昭星夜景  
非雲曉慶衢室成陰璧水如鏡

禮充玉帛樂被匏絃於鑠在詠陟配于天自宮徂兆

靡愛牲牲我將我享永祚豐年

右世祖武皇帝歌三章章八句句四言

營翼日鳥殷宵凝冰泮元勳昭

景陽陽風習習女夷歌東皇集

奠春酒秉青珪命田祖渥羣黎

右青帝歌三章章四句句三言

惟此夏德德恢台兩龍在御炎精來

火景方中南譌秩靡草云黃含桃實

族雲蔚鬱溫風煽興雨祁祁黍苗遍

右赤帝歌三章章二句句七言

稟火自高明毓金挺剛克涼燠資成化羣方載厚德  
陽季句萌達炎徂溽暑融商暮百工止歲極凌陰沖  
泉流疏已清原隰遠而一作平咸言祚惟億敦民保  
高京

右黃帝歌三章章四句句五言

帝說于兌執矩固司藏百川收潦精景應金方  
嘉樹離披榆關命賓鳥夜月如霜金風方嫋嫋  
商陰肅殺萬寶咸亦適勞哉望歲場功冀可收

右白帝歌三章章二句句九言

白日短元夜深招搖轉移太陰霜鐘鳴冥陵起星迴

天月窮紀

聽巖風來不息望元雲黝無色曾冰裂積羽幽飛雪  
至天山側  
關梁閉方不巡合國吹響蜡賓統微陽究終始百禮  
洽萬祚臻

右黑帝歌三章章四句句六言

敬如在禮將周神之駕不少留  
躍龍鑣轉金蓋紛上馳雲之外  
警七曜詔八神排閭闔渡天津  
有滄興膚寸積雨冥冥又終夕

俾棲糧維萬箱皇情暢景命昌

右送神歌五章章四句句三言

四言詩

侍宴華光殿曲水奉敕為皇太子作

旁求邃古逖聽鴻名大寶日位得一為貞朱綈叶祉

綠字摘英升配同貫進讓殊聲

大橫將屬會昌已命國步中阻宸居膺慶璽劍先傳

龜玉增映宗堯有緒復禹無競

禮行郊社人神受職寶效山川鱗羽變色元塞北靡

丹徼南極浮毳駕風飛一作非泳登一作非陟

能官民秀利建天跼耆鵠列野營降兮區論思帝則

獻納宸樞麟趾方一作公定鵠翼誰濡

西京藹藹東都濟濟秋祓濯流春禊浮醴初吉云獻

上除方啟昔駕陽類一作類今帳雲陛

嘉樂舊矣方宴在斯載留神矚有睟天儀龍精已映

威仰未移葉依黃鳥花落春池

高殿宏敞禁林稠密青燈岫起丹樓閒出翠葆隨風

金戈動日惆悵清管徘徊輕佾

霸澆入筵河淇流阼海若一作媧來往觴肴泔泝歡飶

終日一作有終清光欲暮輕貂一作豹回道一作回首華組徐步

登賢博望獻

一作賦清漳漢貳稱敏魏兩垂芳監撫

有則七鬯無方瞻言守器永媿元良

三日侍華光殿曲水宴代人應詔

羣分未辯類聚茲式天睠休明且求至德御繁實簡

制動惟默宿府百王衣裳萬國

中葉遭閔副內多違悠悠靈貺爰有適歸於昭睿后

撫運天飛凝居中縣神動外畿

縣象著明離光乃位我有儲德徽猷淵備長壽察書

龍樓迴轡重道上庠行遵儒肆

朝陽有幹布葉萋萋思皇威矣鷁羽高棲出馳先輅

人秉介珪瞻秦望并建魯分奎

求賢每勞得士方逸有覺斯順無文咸秩萬箱惟重

百鍤載卹屈草戒諛階奠紀日

文教已肅武節旣馳榮光可照合璧如規載懷姑射

尙想瑤池濯龍乃飾天淵在斯

作樂順動實符時義上春初吉亦畱淵寄紅樹巖舒

青莎一作蘊水被雕梁虹拖雲薨鳥跂

高縣甲帳周褰黼帷長筵列陛激水旋墀浮醪聚蟻

靈蔡呈姿河宗躍跂海介夔跼

弱腕纖腰遷延妙舞秦箏趙瑟殷勤促柱降席連綬

稱觴接武稽首萬年獻茲多祐

天地既成泉流既清薄暮沾幸屬奉文明將標齊配  
刻埽秦京願馳龍漢飲馬縣旌

三日侍宴曲水代人應詔

神理內寂機象外融遺情汾水垂冕鴻宮樹以司牧  
匪我求蒙徒勤日用誰契元功  
往晦必明來碩資蹇於皇克聖時乘御辯寶歷載暉  
瑤光重踐昭昭舊物熙熙遷善  
當二日吳求衣未明抵璧焚翠銷劍隳城九疇式序  
三辟再清虞箴罔闕矇奏傳聲

麗景則春儀方在震重聖積厚金式瓊潤天爵必諧  
王臣咸蓋譬諸華霍惟邦之鎮

正朔蔥瀚冠冕邛越爭長明堂相趨魏闕龜象南薦  
環裘西發巢閣易窺馴庭難弭

上巳惟昔于彼禊流祓穢河澣張樂春疇既停龍駕  
亦泛鳧舟靈宮備矣無待茲遊

初鷲命曉朝霞


一作華

開夜飾陞導源迴伊流灞極望

天淵曲阻謔榭閑館巖敞長廊水架

金觴搖蕩玉俎推移筵浮水豹席擾雲螭寥亮琴瑟  
嗷吽塤箎歡茲廣讌穆是天儀

謝宣城詩集卷第一  
周道如砥康衢載直徒媿元黃負恩無力華輜徒駕  
長纓未飾相彼失晨寧忘鼓翼



謝宣城詩集卷第一

謝宣城詩集卷第二

鼓吹曲

元會曲

二儀啟昌歷三陽應慶期珪贄紛成序鯤譯憬來思  
分階艷組練充庭羅翠旗觴流白日下吹溢景雲滋  
天儀穆藻殿萬宇壽皇基

郊祀曲

六宗禮配嶽五時奠甘泉整蹕遊九闕清簫開八埏

鎗鎗玉鑿動溶溶金障

宋作

旋均宮光已屬音升柴

禮既虔福響雲之集南嶽固斯年

鈞天曲

高晏顛天臺置酒迎風觀笙鏘禮百神鍾石動雲漢  
瑤池寶瑟驚綺席舞衣散紫鳳來參差丹鶴至凌亂  
已慶明庭樂誰想南風彈

右三曲頌帝功

入朝曲

江南佳麗地金陵帝王州逶迤帶淶水迢遞起朱樓  
飛甍夾馳道垂楊蔭御溝凝笳翼高蓋疊鼓送華輜  
獻納雲臺表功名良可收

出藩曲

雲枝紫微內分組承明阿飛艤遡極浦旌節去關河  
眇眇蒼山色沈沈寒水波饒音巴渝曲簫鼓盛唐歌  
夫君邁惟德江漢仰清和

校獵曲

凝霜冬十月殺盛涼飈開原澤曠千里騰騎紛往來  
平置望煙合烈火從風迴殪獸華容浦張樂荆山臺  
虞人昔有喻明哲時戒哉

右三曲頌藩德

從戎曲

選旅辭輶轅弭節趨河源日起霜戈照風迴連騎翻

紅塵朝夜合黃沙萬里昏  
嘹唳清笳轉蕭條邊馬煩  
自勉輟耕願征役去何言

送遠曲

北梁辭歡宴南浦送佳人  
方衛控龍馬平路騁朱輪  
璫筵妙舞絕桂席羽觴陳  
白雲邛陵遠山川時未因  
一爲清吹激潺湲傷別巾

登山曲

天明開秀峯瀾光媚碧堤  
風盪翻鷲亂雲行芳樹低  
暮春春服美遊駕凌丹梯  
升嶠旣小魯登巒且悵齊  
王孫尙遊衍蕙草芳萋萋

泛水曲

玉露沾翠葉金風鳴素枝  
罷遊平樂苑泛鶴昆明池  
旌旗散容裔簫管宋作吹參差  
日晚厭遵渚採菱贈  
清漪百年如流水寸心寧共知

右四曲

關三字

同沈右率諸公賦鼓吹曲名先成爲次

芳樹

沈右率約

發莠九華嶼開跗露寒側氛氲非一香  
參差多異色宿昔寒飈舉摧殘不可識  
霜雪交橫至對之長歎息

當對酒

范通直雲

對酒心自足故人來共持方悅羅衿解誰念髮成絲  
徇性良為達求名本自欺迨君當歌日及我傾樽時

臨高臺

眺時為隨王文學

千里常思歸登臺瞻綺翼纔見孤鳥還未辨連山極  
四面動清風朝夜起寒色誰識一作念倦遊者嗟此故  
鄉憶

巫山高

王尹丞融

仿像巫山高薄暮陽臺曲煙雲宋作華乍舒卷猿鳥宋作  
行時斷續彼美如可期寤言紛在矚憮然坐相望秋  
風下庭綠

有所思

劉中書繪

別離安可再而我更重之佳人不相見明月空在帷  
共銜滿堂酌獨斂向隅眉中心亂如雲寧知有所思

同前再賦

芳樹

眺

早亂華池陰復鼓滄洲樵椅梔芳若斯葳蕤紛可結  
霜下桂枝銷怨與飛蓬折不厠玉盤滋誰憐終萎絕  
宋本鼓作影結作繼折作逝絕作細

同前

融

相望早春日煙花雜如霧復此佳麗人含姿結芳樹

綺羅已自情近刻作憐萱風多有趣去來徘徊者佳人不  
可遇

臨高臺

約

高臺不可望望遠使人愁連山無斷絕河水復悠悠  
所思暖何在洛陽南陌頭可望不可至何用解人憂

有所思

融

如何有所思而無相見時夙昔夢顏色階庭尋履綦

高歌更何已引滿終自期一作持欲知憂能老為視鏡

中絲

巫山高

繪

高唐與巫山參差鬱相望灼爍在雲閒氛氲出霞上  
散雨收夕臺行雲卷晨帳出沒不易期嬋娟似惆悵

同前

雲

巫山高不極白日隱光輝遙遙朝雲出冥冥暮雨歸

巖縣獸無宋本二迹林暗鳥疑飛枕席竟誰薦相望

空依依

同賦雜曲名

陽春曲

檀秀才

青雲獻初歲白日映雕梁蘭萌猶自短柳葉未能長  
已見花紅落復聞花蘂香樂此試遊行誰知心獨傷

淶水曲

江朝請

塘上蒲欲齊汀洲杜將歇春心既易蕩春流豈難越  
桂棹及晚風菱影映初月芳香若可贈爲君步羅襪

採菱曲

陶功曹

朝日映蘭澤乘風入桂嶼棹歌已流倡輕舟復容與  
勿遽佳期移方追明月侶採採詎盈剗還望空延佇

秋竹曲

朏時爲宣城守

嫵媚綺窗北結根未參差從風既裊裊映日頗離離  
欲求棗下吹別有江南枝但能凌白雪貞心蔭曲池

白雪曲

朱孝廉

凝雲沒霄漢從風飛且散連翩下幽谷徘徊依井幹  
既興楚客謠亦動周王歎所恨輕寒質不迨春歸旦

永明樂

第一

帝圖潤九有皇風浮四溟永明一爲樂咸池無復靈

第二

民和禮樂富世清歌頌徽鴻名軼卷領稱首邁垂衣

第三

朱臺鬱相望青槐紛馳道秋雲湛甘露春風散芝草

第四

龍樓日月照淄館風雲清儲光温似玉藩度式如瓊  
第五

化洽鯤海君恩變龍庭長西北驚環裘東南盡龜象  
第六

出車長洲苑選旅朝夕川絡絡結雲騎奕奕泛戈船  
第七

燕駟遊京洛趙服麗有暉清歌畱上客妙舞送將歸  
第八

實相薄五禮妙化開六塵明祥已玉燭寶瑞亦金輪  
第九

生蔑芊羅性身與佳惠隆飛纓入華殿屣步出重宮  
第十

彩鳳鳴朝陽元鶴舞清商瑞此永明曲千載今爲皇  
玉階怨

夕殿下珠簾流螢飛復息長夜縫羅衣思君此何極  
金谷聚

渠椀送佳人玉柁要上客車馬一東西別後思今夕  
王孫遊

綠草蔓如絲雜樹紅英發無論君不歸君歸芳已歇  
銅爵悲

落日高城上餘光入總帷寂寂深松晚寧知琴瑟悲

江上曲


易陽春草出踟躕日已暮蓮葉向田田淇水不可渡  
願子淹桂舟時同千里路千里既相許桂舟復容與  
江上可採菱清歌共南楚

曲池之水

緩步遵莓渚披襟待蕙風芙蓉舞輕蒂包筍出芳叢  
浮雲自西北江海思無窮鳥去能傳響見我綠琴中  
綠琴一作測琴

同謝諮議詠銅爵臺

總帷飄井幹罇酒若平生鬱鬱西陵樹詎聞歌吹聲  
芳襟染淚迹嬋娟空復情玉座猶寂漠況乃妾身輕



謝宣城詩集卷第二

謝宣城詩集卷第三

將發石頭上烽火樓

徘徊戀京邑躑躅躑躅曾阿陵高墀闕近眺迴風雲多  
荆吳阻山岫江海含瀾波歸飛無羽翼其如離別何

答王世子

飛雪天山來飄聚繩樞外蒼雲暗九重北風吹萬籟  
有酒招親朋思與清顏會熊席惟爾安羔裘豈吾帶  
公子不垂堂誰肯憐蕭艾

答張齊興

荆山從百里漢廣流無極北馳星晷正南望朝雲色

川隰同幽快冠冕異今昔子肅兩岐功我滯三冬職  
誰知京洛念髣髴昆山側向夕登城壕潛池隱復直  
地迴聞遙蟬天長望歸翼清文忽景麗思泉紛寶飾  
勿言修路阻勉子康衢力曾厓寂且寥歸軫逝言陟

酬王晉安

梢柀枝早勁塗塗露晚晞南中榮橘柚寧知鴻鴈飛  
拂霧朝青閣日旰坐彤闈悵望一途阻參差百慮依  
春草秋更綠公子未西歸誰能久京洛淄塵染素衣  
暫使下都夜發新林至京邑贈西府同僚

大江流日夜客心悲未央徒念關山近終知返路長

秋河曙耿耿寒渚夜蒼蒼引領見京室宮雉正相望  
金波麗鳩鵲玉繩低建章驅車鼎門外思見昭邛陽  
馳暉不可接何況隔兩鄉風煙近刻作雲有鳥路江漢限  
無梁常恐鷹隼擊時菊委嚴霜寄言尉羅者寥廓已  
高翔

始出尙書省

惟昔逢休明十載朝雲陛既通金閨籍復酌瓊筵醴  
宸景厭昭臨昏風淪繼體紛虹亂朝日濁河穢清濟  
防口猶寬政餐茶更如薺英袞暢人謀文明固天啓  
青精翼紫軼黃旗映朱邸還覩司隸章復見東都禮

謝宣城詩集卷三  
中區咸已泰輕生諒昭洒趨事辭宮闕載筆陪旌棨  
邑里向疎蕪寒流自清泚衰柳尙沈沈凝露方泥泥  
零落悲友朋歡娛燕兄弟既秉丹石心寧流素絲涕  
因此得蕭散垂竿深澗底

直中書省

紫殿肅陰陰彤庭赫宏敞風動萬年枝日華承露掌  
玲瓏結綺錢深沈映朱網紅藥當堦翻蒼苔依砌上  
茲言翔鳳池鳴佩多清響信美非吾室中園思偃仰  
朋情以鬱陶春物方駘蕩安得凌風翰聊恣山泉賞  
觀朝雨

朔風吹飛雨蕭條江上來既灑百常觀復集九成臺  
空濛如薄霧散漫似輕埃平明振衣坐重門猶未開  
耳目暫無擾懷古信悠哉戢翼希驥首乘流畏曝鯢  
動息無兼遂岐路多徘徊方同戰勝者去翦北山萊

新亭渚別范零陵

雲

洞庭張樂地瀟湘帝子遊雲去蒼梧野水還江漢流  
停驂我悵望輟棹子夷猶廣平聽方籍茂陵將見求  
心事俱已矣江上徒離憂

之宣城郡出新林浦向板橋

江路西南永歸流東北驚天際識歸舟雲中辨江樹

謝宣城詩集卷三  
旅思倦搖搖孤遊昔已屢既歡懷祿情復協滄洲趣  
躡塵自茲隔賞心於此遇雖無元豹姿終隱南山霧

始之宣城郡

下帷闕章句高談媿名理疎散謝公卿蕭條依掾史  
簪髮逢嘉惠教義承君子心迹苦未并憂歡將十祀  
幸沾雲雨慶方轡參多士振鷺徒追飛羣龍難隸齒  
烹鮮止貪競共治屬廉恥伊余昧損益何用祇千里  
解劔北宮朝息駕南川渙寧希廣平詠聊慕華陰市  
棄置宛洛遊多謝金門裏招招漾輕楫行行趨巖趾  
江海雖未從山林於此始

宣城郡內登望

借問下車日匪直望舒圓寒城一以眺平楚正蒼然  
山積陵陽阻溪流春穀泉威紆詎遙甸巉岳帶遠天  
切切陰風暮桑柘起寒煙悵望心已極恟怳魂屢遷  
結髮倦爲旅平生早事邊誰規鼎食盛寧要狐白鮮  
方棄汝南諾言稅遼東田

冬日晚郡事隙

案牘時閒暇偶坐觀卉木颯颯滿池荷脩脩蔭窗竹  
簷隙自周流房櫳閑且肅蒼翠望寒山崢嶸瞰平陸  
已惕慕歸心復傷千里目風霜旦夕甚蕙草無芬馥

謝道韞詩集卷三  
四  
云誰美笙簧孰是厭邁軸願言追逸駕臨潭餌秋菊

後齋迴望

高軒瞰四野臨牖眺襟帶望山白雲裏望水平原外  
夏木轉成帷秋荷漸如蓋鞏洛常睠然搖心似縣旆

落日悵望

昧旦多紛喧日宴未遑舍落日餘清陰高枕東窗下  
寒槐漸如束秋菊行當把借問此何時涼風懷朔馬  
已傷慕歸客復思離居者情嗜幸非多案牘偏爲寡  
既乏郎邪政方憩洛陽社

望三湖

積水照頰霞高臺望歸翼平原周遠近連汀見紆直  
葳蕤向春秀芸黃共秋色薄暮傷哉人嬋媛復何極

遊山

託養因支離乘閑遂疲蹇語默良未尋得喪云誰辨  
幸涖山水都復值清冬緬凌崖必千仞尋谿將萬轉  
堅嶠既峻嶒迴流復宛澶杳杳雲竇深淵淵石澗淺  
傍眺鬱篳勞還望森柗樾荒隩被葳莎崩壁帶苔蘚  
颯狖叫層巖鷗鳧戲沙衍觸賞聊自觀卽趣咸已展  
經目惜所遇前路欣方踐無言蕙草歇畱垣芳可蹇  
尚子時未歸邴生思自免求志昔所欽勝迹今能選

寄言賞心客得性良爲善

賽敬亭山廟喜雨

夕帳懷椒糈蠲景潔膏薌登秋雖未獻望歲仵年祥  
潭淵深可厲狹斜車未方蒙籠度絕限出沒見林堂  
秉玉朝羣帝樽桂迎東皇排雲接虬蓋蔽日下霓裳  
會舞紛瑤席安歌遶鳳梁百味芬綺帳四座沾羽觴  
福被延氓澤樂極思故鄉登山騁歸望原雨晦茫茫  
胡寧昧千里解珮拂山莊

祀敬亭山廟

翦削兼太華崢嶸跨元圃貝闕眠阿何疑宮薜帷陰

網戶參差時未來徘徊望澧浦椒醕若馨香無絕傳  
終古

遊敬亭山

茲山互百里合沓與雲齊隱淪既已託靈異居然棲  
上千蔽百日下屬帶迴谿交藤荒且蔓樛枝聳復低  
獨鶴方朝唳飢颺此夜啼泄雲已漫漫夕雨亦淒淒  
我行雖紆組兼得尋幽蹊緣源殊未極歸徑窅如迷  
要欲追奇趣卽此陵丹梯皇恩竟已矣茲理庶無睽

賦貧民田

假遇一作佳譽非將迎靖共一作靜拱延殊慶中歲歷三臺旬

月典邦政會一作是共治情敢忘卹貧病將無富教

禮何云當孰有知方性敦本抑工商均業省兼并察

壤見泉脈覘星視農正黍稷緣高殖穡一作稂稂稂即卑

盛舊埒新塍分青苗白水映遙樹匝清陰連山周遠

淨卽此風雲佳孤鷗聊可命既微三載道庶藉兩岐

與江水曹至濱千戲

詠俾爾倉廩實余從谷口鄭  
山中上芳月故人清樽賞遠山翠百重迴流映千丈  
花枝聚如雪蕪絲散猶網別後能相思何嗟異封壤

送江水曹還遠館

高館臨荒途清川帶長陌上有流思人懷舊望歸客  
塘邊草雜紅樹際花猶白日暮有重城何由盡離席

送江兵曹檀主簿朱孝廉還上國

方舟泛春渚攜手趨上京安知慕歸客詎億近刻山

中情香風蕊上發好鳥葉間鳴揮袂送君已獨此夜

琴聲

臨溪送別

悵望南浦時徙倚北梁步葉下涼風初日隱輕霞暮  
荒城迴易陰秋溪廣難渡沫泣豈徒然君子行多露

將遊湘水尋句溪

既從陵陽釣挂鱗  
赤螭方尋桂水原  
謁帝蒼山垂辰哉  
且未會乘景弄清漪  
瑟汨瀉長淀潺湲  
赴兩岐輕蘋上靡靡  
雜石下離離  
寒草分花映戲鮪  
乘空移興以暮秋  
月清霜落素枝  
魚鳥余方翫  
纓綉君自糜  
及茲暢懷抱  
山川長若斯

忝役湘州與宣城吏民別

弱齡倦簪履  
薄晚忝華輿  
閑沃盡地區  
山泉諧所好  
幸遇昌化穆  
惇一作俗罕驚  
暴四時從  
偃息三省無  
侵冒下車遽  
暄席紆紱始  
黔竈榮辱未  
遑敷德禮  
何由導汨徂  
奉南岳兼秩  
典邦號疲馬  
方云驅鉛刀  
安

可操遺惠良寂寞  
恩靈亦匪報  
桂水日悠悠  
結言幸相勞  
吐納貽爾和  
窮通勛所蹈

休沐重還丹陽道中

薄遊第從告  
思閑願罷歸  
還叩歌賦似  
休汝車騎非  
灞池不可別  
伊川難重違  
汀葭稍靡靡  
江菼復依依  
田鴝遠相叫  
沙鶻忽爭飛  
雲端楚山見  
林表吳岫微  
試與征徒望  
鄉淚盡沾衣  
賴此盈樽酌  
含景望芳菲  
問我勞何事  
霑沐仰清徽  
志狹輕軒冕  
恩甚戀閨闈  
歲華春有酒  
初服偃郊扉

移病還園示親屬

疲策倦人世斂性就幽蓬停琴仁涼月滅燭聽歸鴻  
涼兼近刻乘暮晰秋華臨夜空葉低知露密嗟斷識  
雲重折荷葺寒袂開鏡眇衰容海暮疑騰清氣河關  
祕棲冲煙衡時未歇芝澗去相從

出下館

麥候始清和涼雨銷炎燠紅蓮搖弱苻丹藤繞新竹  
物色盈懷抱方駕娛耳目零落既難留何用存華屋

遊東田

戚戚苦無怙攜手共行樂尋雲陟累榭隨山望菌閣  
遠樹曖阡阡生煙紛漠漠魚戲新荷動鳥散餘花落

不對芳春酒還望青山郭

秋夜講解

四緣去誰肇七識習未央沈沈一作淵淵倒營魄苦蔭蹙

愁腸琴瑟徒爛漫娉容空滿堂春顏遽幾日秋壘終

茫茫孰云濟沈溺假願託津梁惠唱摘泉湧妙演發

金相空有定無執賓實固兩忘自來乘首夏及此申

暮霜雲物清晨景衣巾引夕涼風振蕉蓬裂霜下梧

楸傷一作露下六龍且無借三相寧久長何時接靈

應及子同舟航

秋夜

秋夜促織鳴南鄰搗衣急思君隔九重夜夜空伫立  
北窗輕幔垂西戶月光入何知白露下坐視階前溼  
誰能長分居秋盡冬復及

春思

茹溪發春水阡山起朝日蘭色望已同萍際轉如一  
巢燕聲上下黃鳥弄傳匹邊郊阻遊行故人盈契闊  
夢寐藉假簧思歸賴倚瑟幽念漸鬱陶山楹永爲室

治宅

結宇夕陰街荒途橫九曲迢遶南川陽迤邐西山足  
闕館臨秋風敞窗望寒旭風碎池中荷霜翦江南菜

既無東都金且稅東皋粟

冬緒羈懷示蕭諮議虞田曹劉江二常侍

去國懷邛園入遠滯城闕寒燈耿宵夢清鏡悲曉髮  
風草不畱霜冰池共如月寂寞此閑帷琴樽任所對  
客念坐嬋媛年華稍菴夢夙慕雲澤遊共奉荆臺績  
一作一聽春鷺喧再視秋虹  
近刻沒疲驂良易返恩  
一作思波不可越誰慕臨淄鼎常希茂陵渴依隱幸自  
從求心果蕪昧方軫歸歟願故山芝未歇

懷故人

芳洲有杜若可以慰佳期望望或超遠何由見所思

謝宣城詩集卷三  
十一  
我行未千里山川已開之離居方歲月故人不在茲  
清風動簾夜孤月照窗時安得同攜手酌酒賦新詩

夜聽伎二首

瓊閨鈿響聞瑤席芳塵滿要取洛陽人共命江南管  
情多舞態遲意傾歌弄緩知君密見親寸心傳玉盃  
上客光四座佳麗直千金挂釵報纓絕墮珥苔琴心  
蛾眉已共笑清香復入衿歡樂夜方靜翠帳垂沈沈

京路夜發

擾擾整夜裝肅肅戒徂兩曉星正寥落晨光復泱泱  
猶沾餘露團稍見朝震上故鄉邈已負山川修且廣

文奏方盈前懷人去心賞救躬每踟躕瞻恩惟震蕩  
行矣倦路長無由稅歸鞅

晚登三山還望京邑

霸涘望長安河陽視東縣白日麗飛甍參差皆可見  
餘霞散成綺澄江靜如練喧鳥覆春洲雜英滿芳甸  
去矣方滯淫懷哉罷歡宴佳期悵何許淚下如流霰  
有情知望鄉誰能鬢不變

高齋視事

餘雪映青山寒霧開白日曖曖江村見離離海樹出  
披衣就清盥憑軒方秉筆列俎歸單味連駕止容膝

空為大國憂紛詭諒非一安得埽蓬逕銷吾愁與疾

郡內高齋閑望苔呂法曹呂僧珍為齊王法曹

結構何迢遞曠望極高深窗中列遠岫庭際俯喬林  
日出眾鳥散山暝孤猿吟已有池上酌復此風中琴  
非君美無度孰為勞寸心惠而能好我問以瑤華音  
若遺金門步見就此一作山岑

謝宣城詩集卷第三

謝宣城詩集卷第四

直石頭

蕭衍

率土皆王土安知全高尙東壟弃黍稷西遊八卿相  
屬逢利建始投分參末將尺一功未施河山賞已諒  
攝官因時暇曳裾聊起望鬱盤地勢遠參差百雉壯  
翠壁絳霄際丹樓青霞上夕池出濠渚朝雲生疊嶂  
籠鳥易為恩屠羊無飾讓泰階端且平海水本無浪  
小臣何日歸頓轡從閑放

和蕭中庶直石頭

九河互積咀三峻鬱旁眺皇州摠地德回江款巖微

詩定地言卷四  
井幹苑蒼林雲薨蔽層嶠川霞旦上薄山光晚餘照  
翔集亂歸飛虹蜺紛引曜君子奉神略瞰迴馮重峭  
彈冠已籍甚升車益英妙功存漢冊書榮竝周庭燎  
汲疾移偃息董園倚談笑麾旆一悠悠謙姿光且劭  
讌嘉多暇日興文起淵調曰余廁鱗羽滅影從漁釣  
澤渥資投分逢迎典待詔詠沼逸含毫專城空坐嘯  
徒慚皇鑒揆終延曲士誚方追隱淪訣偶解金丹要  
若偶巫咸招帝閭良可叫

經劉瓛墓下

隨郡王蕭子隆

升堂子不謬問道余未窮如何辭白日千載隔音通

山門一已絕長夜緬難終初松切暮鳥新楊摧曉風  
榛關向蕪密泉途轉銷空

登山望雷居士精舍同沈右衛過劉先生墓下

作

并序

竟陵王蕭子良

沛國劉子珪學優來仕跡邇心遐履信體仁古之遺  
德潛舟迅景滅賞倫輝言念芳猷式懷嗟述屬舍弟  
隨郡有示來篇彌緬久要之情益深宿草之歎升望  
西山率爾爲荅雖因事雷生實申悲劉子云爾

漢陵淹館蕪晉彌洙風闕五都聲論空三河文義絕  
興禮邁前英談元踰往哲明情日夜深徽音歲時滅

垣井總已平煙雲從容裔爾歎牛山悲我悼驚川逝

奉和

虞炎

下帷聞昔儒窺園信且逸聚學叢煙郊栖遁

宋作事

環筆戢景謝歸年稅駕空悠日庭露已沾衣松門向

蕭瑟憫憫神念周依依惠言密

奉和

柳惲

西河寂高業北海望清塵曾徽誰與寄尙德在伊人

遺文重昭晰絕緒復紛綸露華白朝日蘭生無久春

芳猷動淵思撫軾履高辰山風起寒木野雀亂秋榛

壟草時易宿素軌逸難遵

奉和

沈約

表閭欽逸軌軾墓禮貞魂化途終眇默神理曖猶存

塵經未輟幌高衡已委門日燕子雲舍徒望董生園

華陰無遺市楚席有靈當作虛樽元泉倘能慰長夜且

勿論

奉和竟陵王同沈右率過劉先生墓

嘉樹因枝條琢玉良可寶若人陵曲臺垂帷茂淵道

善誘宗學原鳴鍾霽幽抱仁焉徂宛洛清徽夜何早

歲晚結松陰平原亂秋草不有至言揚終滯西山老

離夜

玉繩隱高樹斜漢耿層臺離堂華燭盡別幌清琴哀  
翻潮尙知限客思眇難裁山川不可夢況及一作故人杯

同前

江丞

石泉行可照蘭杜向寒風離歌上春日芳思徒以空  
情遽曉雲發心在夕河終幽琴一罷調清醕誰復同

同前

王常侍

月沒高樓曉雲起扶桑時燭筵曖無色行住憫相悲  
當軒已凝念況乃清江湄懷人忽千里誰緩鬢徂絲

餞謝文學

沈右率

漢池水如帶巫山雲似蓋  
潄汨背吳潮潺湲橫楚瀨  
一望沮漳水甯思江海會  
以我徑寸心從君千里外

同前

虞別駕

差池燕始飛羃歷草初輝  
離人悵東顧遊子去西歸  
清潮已駕渚溽露復沾衣  
一乖當春聚方掩故園扉

同前

范通直

陽臺霧初解夢渚冰裁綠  
遠山隱不見平沙斷還續  
分弦饒苦音別唱多悽曲  
爾拂後車塵我事東臯粟

同前

王中書

所知共歌笑誰忍別笑歌  
離軒思黃鳥分渚夢清莎

翻情結遠旆灑淚與煙波春江夜明月還望情如何

同前

蕭記室

執手無還顧別渚有西東荆吳渺何際煙波千里通  
春篁方解籜弱柳向一作低風相思將安寄悵望南  
飛鴻

同前

劉中書

汀洲千里芳朝雲萬重色悠然在天隅之子去安極  
春潭無與窺秋臺共譏陟不見一佳人徒望西飛翼

和別沈右率諸君

春夜別清樽江潭復為客歎息東流水如何故鄉陌

重樹日芬蓋芳洲轉如積望望荆臺下歸夢一作相

思夕

臥疾敘意

王秀之

貞悔不少期福極固難豫疾藥雖一途遂以千百慮

景仄念徂齡帶緩每危曙循躬雖一作已茲況復歲

將暮層冰日夜多飛雲密如霧歸鴻互斷絕宿鳥莫

能去輟我邱中瑟良田一作嗟故隱淪迹有違宰官功

未樹何用攬余情恨恨此故路豈言勞者歌且曰幽

人賦

和王長史臥病

嶧岫款崇崖派別朝洪河兔園文雅盛章臺冠蓋多  
淵襟眷睿岳燮贊動毗歌顧影慚駢服載筆旂江沱  
縞衣紛可獻琴言暖已和青臯向還色春潤視生波  
巖垂變好鳥松上改陳蘿日與歲眇邈歸恨積一作限稍  
蹉跎願緝吳山杜甯袂楚池荷清風豈孤劭功遂懷  
增阿勿藥良有暢荏苒芳未過幸畱清樽味言藉故  
田莎

行園

沈約

寒瓜方臥壘秋菰亦滿陂紫茄紛爛漫綠芋鬱參差  
初菘向堪把時非日離離高梨有繁實何減萬年枝

荒渠集野鴈安用昆明池

和沈祭酒行園

清淮左長薄荒徑隱高蓬回湖旦夕上寒渠左右通  
霜畦紛綺錯秋町鬱蒙茸環梨縣已紫珠榴拆且紅  
君有棲心地伊我歡既同何用甘泉側玉樹望青蔥

北戍琅邪城

江孝嗣

驅馬一連翩日下情不息芳樹似佳人惆悵余何極  
薄暮苦羈愁終朝傷旅食丈夫許人世安得顧心臆  
按劔勿復言誰能耕與織

和江丞北戍琅邪城

春城麗白日阿閣跨層樓滄江忽渺渺驅馬復悠悠  
京洛多塵霧淮濟未安流豈不思撫劍惜哉無輕舟  
夫君良自勉歲暮勿淹留

味旦出新亭渚

徐勉

驅車凌早術山華映初日攬轡且徘徊復值清江謐  
杳藹楓樹林參差黃鳥匹氣物宛如斯重以心期逸  
春隄一遊衍終朝意殊悉

和徐都曹出新亭渚

宛洛佳遊遊春色滿皇州結軫青郊路迴瞰滄江流  
日華川上動風光草際浮桃李成蹊徑桑榆蔭道周

東都已俶載言歸望綠疇

入琵琶峽望積布磯

劉繪

江山信多美此地最爲神以茲峯石麗重在芳樹春  
照爛虹蜺雜交錯錦繡陳差池若燕羽翦另似龍鱗  
卻瞻了非向前觀復已新翠微上虧景清莎下拂津  
巉巖如刻削可望不可親昔途首遐路未獲究清塵  
誓將返初服歲暮請爲鄰

和

昔余侍君子歷此遊荆漢山川隔舊賞朋僚多雨散  
圖南矯風翮會非息短翰移疾靚新篇披衣起淵翫

惆悵懷昔踐彷彿得殊觀頰紫共彬駁雲錦相凌亂  
奔星上未窮驚雷下將半回潮漬崩樹輪囷軋傾岸  
巖篠或徬翻石筍無修幹澄澄明浦媚行行清風爛  
江譚良在目懷賢興累歎歲暮不我期淹留絕巖畔

在郡臥病呈沈尙書

淮揚股肱守高臥猶在茲況復南山曲何異幽棲時  
連陰盛農節臺笠聚東菑高閣常晝掩荒階少諍辭  
珍簟清夏室輕扇動涼颺嘉魴聊可薦綠蟻方獨持  
夏李沈朱實秋藕折輕絲良辰竟何許夙昔夢佳期  
坐嘯徒可積爲邦歲已替絃歌終莫取撫机一作枕今

自噴

荅謝宣城

沈約

王喬飛鳧舄東方金馬門從宦非宦侶避世不避喧  
揆余發臯鑿短翮屢飛翻晨趨朝建禮晚沐臥郊園  
賓至下塵榻憂來命綠樽昔賢侔時雨今守馥蘭蓀  
神交疲夢寐路遠隔思存牽拙謬東汜浮情反西崑  
顧循良菲薄何以儷璵璠將隨渤澥去刷羽汎清源

和何議曹郊遊二首

春心澹容與挾弋步中林朝光映紅萼微風吹好音  
江垂得清賞山際果幽尋未嘗遠別離知此愜歸心

流泝終靡已嗟行方至今

江臯倦遊客薄暮懷歸者揚舲浮大川惆悵至日下  
羅靡青莎被潺湲石澗瀉寄語持笙簧舒憂願自假  
歸途豈難涉翻同江上夏

和劉西曹望海臺

滄波不可望望極與天平往往孤山映處處春雲生  
差池遠鴈沒颯沓羣鳥驚落塵及簿領棄捨出重城  
臨川徒可羨結網庶時營

和王中丞聞琴

涼風吹月露圓景動清陰蕙氣入懷抱聞君此夜琴

蕭瑟滿林聽輕鳴響泐音無爲澹容與蹉跎江海心

和伏武昌登孫權故城

炎靈遺劔璽當塗駭龍戰聖期闕中壤霸功興寓縣  
鵠起登吳臺鳳翔陵楚甸襟帶窮巖險帷帟盡謀選  
北拒溺驂鑣西截一作龍收組練江海旣無波俯仰流

英眇裘冕類禋郊卜揆崇離殿釣臺臨講閣樊山開  
廣讌文物共葳蕤聲明且蔥蒨三光厭分景書軌欲

同薦參差世祀忽寂寞市朝變舞館識餘基歌梁想

遺轉

一作轉

故林衰木平荒池秋草遍雄圖悵若茲茂

宰深遐睠幽客滯江臯從賞乖纓弁清卮阻獻酬良

書限聞見幸藉芳音多承風采餘絢于役倘有期鄂

渚同遊衍

騫案吳臺本作吳山今從顏氏家訓

夏始和劉辱陵

威仰弛蒼郊龍曜表皇臨春色卷遙甸炎光麗近邑  
白蘋望已騁細荷紛可襲徒願尺波旋終憐寸景戢  
對窗斜日過洞幌鮮颺入浮雲去欲窮暮鳥飛相及  
柔翰纈芳塵清源非易揖迴江難絕濟云誰暢伫立  
良宰勛夜漁出人事朝汲績羽余旣裳更賦子盈粒  
椅梧何必零歸來共棲集

和宋記室省中

落日飛鳥還憂來不可極行樹澄遠陰雲霞成異色  
懷歸欲乘電瞻言思解翼清揚婉禁居祕此文墨職  
無歎阻琴樽相從伊水側

和王著作

融八公山

二別阻漢坻雙嶠望河澳茲嶺復噴岬分區奠淮服  
東限琅琊臺西距孟諸陸阡眠起雜樹檀欒蔭修竹  
日隱淵疑空雲聚岫如復出沒眺樓雉遠近送春日  
戎州昔亂華素景淪伊穀陆危賴宗袞微管寄明牧  
長虵固能翦奔鯨自此暴

蒲卜切

道峻芳塵流業遙年

運儻平生仰令圖于嗟命不淑浩蕩別親知聯翩戒

征軸再遠館娃宮  
兩去河陽谷風煙四時犯霜露一作  
朝夜沐春秀良已凋秋場庶能築

和王主簿季哲怨情

掖庭聘絕國長門失歡宴相逢詠薜蘿  
寵悲團一作

班扇花叢亂散蝶風簾人雙燕徒使春帶賒  
坐惜紅

壯變平生一願重宿昔千金賤故人心  
尙爾故心人

不見一作故人  
心不見

贈王主簿二首

日落窗中坐紅妝好顏色舞衣襞未縫  
流黃覆不織蜻蛉草際飛遊蜂花上食  
一遇長相思願寄連翩翼

清吹要碧玉調絃命綠珠輕歌急綺帶  
含笑解羅襦餘曲詎幾許高駕且踟躕  
徘徊韶景暮惟有洛城隅

同王主簿有所思

佳期期未歸望望下鳴機徘徊東陌上  
月出行人稀

落日同何儀曹煦

參差複殿影氛氲綺羅雜風入天淵池  
芰荷搖復合遠聽雀聲聚回望樹陰  
沓一賞桂尊前甯傷蓬鬢颯

和紀參軍服散得益

金液稱九轉西山歌五色練質乃排雲  
濯景終不測雲英亦可餌且駐羲和力  
能令長卿臥暫故遇真識


新治北窗和何從事


國小暇日多民湊紛務屏闕牖期清曠開簾候風景  
泱泱日照溪團團雲去嶺岩堯蘭棹峻駢闐石路整  
池北樹如浮竹外山猶影自來彌弦望一作及君臨  
箕穎清文蔚且詠微言超怡一作已領不見城壕側思  
君朝夕頃迴舟方在辰何以慰延頸

同羈夜集

積念隔炎涼驤言始今夕已對濁樽酒復此故鄉客  
霜月始流砌寒蜻早吟隙幸藉京華遊邊城讌良席  
樵采咸共同荆莎聊可籍恐君城闕人安能久松柏

謝宣城詩集卷第四





謝宣城詩集卷第五

奉和隨王殿下

其一

冬冬寂修夜天圍靜且開亭皋霜氣愴松宇清風來  
高琴時以思幽人多載懷幸藉汾陽想嶺首正徘徊

其二

高秋夜方靜神居肅且深閑階塗廣露涼宇澄月陰  
嬋娟影池竹疎蕪散風林淵情協爽節詠言興德音  
闇道空已積遷直愧蓬心

其三

愴愴緒風興  
祁祁族雲布  
嚴氣集高軒  
稠陰結寒樹  
日月謬論思  
朝夕承清豫  
徒藉小山文  
空揖章臺賦

其四

星回夜未艾  
洞房凝遠情  
雲陰滿池榭  
中月懸高城  
喬木含風霧  
行雁飛且鳴  
平臺盛文雅  
西園富羣英  
芳慶良永矣  
君王嗣德聲  
眷此伊洛詠  
載懷汾水情  
顧已非麗則  
恭惠奉仁明  
觀淄詠已失  
慙然愧簪纓

其五

蕭景遊清都  
修簪侍蘭室  
累榭疎遠風  
廣庭麗朝日  
穆穆神儀靜  
愔愔道言密  
一冷繫靈表  
無吝科年歷

其六

神心遺魏闕  
冲想顧汾陽  
蕭景懷辰豫  
捐玦翦山楊  
時惟清夏始  
雲景曖含芳  
月陰洞野色  
日華麗池光  
草合亭皋遠  
霞生川路長  
端坐聞鶴引  
靜瑟愴復傷  
懷哉泉石思  
歌詠鬱璠瑤  
相塘春多迭  
駕言從伊與  
商袞識眷英  
覽獨善伊何  
忘願輟東都  
遠宏道侍云  
梁

其七

洞房洞已靜  
閑風伊夜來  
雲生樹陰遠  
軒廣月容開  
宴私移燭飲  
遊賞藉琴臺  
風猷冠淄鄴  
衽烏愧唐枚

其八

方池含積水明流皎如鏡規荷承日淨影鱗與風泳  
上善叶淵心止川測動性幸是芳春來側點游濠盛

其九

浮雲西北起飛來下高堂合散輕帷表飄舞桂臺陽  
遙階收委羽平池如夜光眷言金玉照顧慚蘭蕙芳

其十

睿心重離圻近刻作析岐路清江隈四面寒飈舉千里白  
雲來川長別管思地迴翻旗回還顧昭陽闕超遠章  
華臺置酒巫山日爲君停玉柸

十一

桂樓飛絕限超遠向江岐輕雲霽廣甸微風散清漪  
連連絕鴈舉眇眇青煙移巖城亂芸草霜塘凋素枝  
氣爽深遙矚豫永聊停曦一作已終可悅盈思且  
若斯

十二

炎光闕風雅宗霸拯時淪龍德待雲霧令圖方再晨  
歲遠荒城思霜華宿草陳英威遽如是徘徊岐路人

十三

念深冲照廣業闡清化元端儀穆金殿敷教藻瓊筵  
船湛輕帷藹磬轉芳風旋卷轡栖道樹方津棹法鼓

歸興憑大造昭塗良易筌

十四

分悲玉瑟斷別緒金樽傾風入芳帷散釭華蘭殿明  
想折中園草共知千里情行雲故鄉色贈子一離聲

十五

年華豫已滌夜艾賞方融新萍時合水弱草未勝風  
閨幽瑟易響臺迴月難中春物廣餘照蘭萱佩未窮

十六

漣漪映餘雪巖城限深霧清寒起洞門東風急池樹  
神居望已肅徘徊舉沖趣栖歸如遲

宋作歸譎此詠姑從近刻

邛山不可屨

詠風

徘徊發紅萼葳蕤動綠旒垂楊低復舉新萍合且離  
步檐行徇靡當戶思衿披高響飄歌吹相思子未知  
時拂孤鸞鏡星鬢視參差

詠竹

前窗一叢竹青翠獨喜奇南條交北葉新筍雜故枝  
月光疎已密風來起復垂青扈飛不礙黃口得相窺  
但恨從風籜根株長別離

詠薔薇

低枝詎勝葉輕香幸自通發萼初攢紫餘采尚霏紅  
新花對白日故蕊逐行風參差不俱曜誰有盼微叢

詠蒲

離離水上蒲結水散爲珠閒厠秋菡萏出入春鳧雛  
初萌實雕俎暮蕊雜椒塗所悲塘

宋作堂

上曲遂鑠黃

金軀

詠兔絲

輕絲旣難理細縷竟無織爛漫已萬條連綿復一色  
安根不可知縈心終不測所貴能卷舒伊用蓬生直

詠落梅

新葉初冉冉初蕊新霏霏逢君後園讌相隨巧笑歸  
親勞君玉指摘以贈南威用時插雲髻翡翠比光輝  
日暮長零落君恩不可追

遊東堂詠桐

孤桐北窗外高枝百尺餘葉生旣婀娜葉落更扶疎  
無華復無實何以贈離居裁爲圭與瑞足可命參墟  
詠牆北梔子

有美當階樹霜露未能移金黃發朱采映日以離離  
幸賴夕陽下餘景及西枝還思照淥水君階無曲池  
餘榮未能已晚實猶見奇復留傾筐德君恩信未貲

同詠樂器

琵琶

王融

抱月如可明懷風殊復清  
絲中傳意緒花裏寄春情  
掩抑有奇態淒鏘多好聲  
芳袖幸時拂龍門空自生

箎

沈約

江南簫管地妙響發孫枝  
殷勤寄玉指含情舉復垂  
雕梁再三繞輕塵四五移  
曲中有深意丹誠君詎知

琴

洞庭風雨榦龍門生死枝  
雕刻紛布澗沖嚮鬱清危  
一作春風搖蕙一作草  
秋月滿華池是時操別鶴淫

淫客淚垂

同詠坐上器玩

竹檳榔盤

沈約

檳風有勁質柔用道非一  
平織方以文穹成圓且密  
薦羞雖百品所貴浮天實  
幸承歡醕餘甯辭嘉宴畢

烏皮隱几

蟠木生附枝刻削豈無施  
取則龍文鼎三趾獻光儀  
勿言素韋潔白沙尙推移  
曲躬奉微用聊承終宴疲

同詠坐上所見一物

幔

王融

幸得與珠綴，羃君之楹。月映不辭卷，風來輒自輕。  
每聚金爐氣，時駐玉琴聲。但願置樽酒，蘭釭當夜明。

簾

虞炎

青軒明月時，紫殿秋風口。瞳矐引光輝，曖映容質。  
清露依檐垂，蠅絲當戶密。塞開誰共臨，掩晦獨如失。

席

柳惲

照日汀洲際，搖風綠潭側。雖無獨璽絲，幸有青袍色。  
羅袖少輕塵，象牀多麗飾。願君蘭夜飲，佳人時宴息。

同前

本生朝夕池，落景照參差。汀洲蔽杜若，幽渚奪江蘼。

遇君時採擷，玉座奉金卮。但願羅衣拂，無使素塵彌。

詠竹火籠

沈約

結根終南下，防露復披雲。雖爲九華扇，聊可滌炎氛。  
安能偶狐白，鶴卵織成文。覆持鴛鴦被，白鶴吐氛氲。  
忽爲纒手用，歲暮待羅裙。

同前

庭雪亂如花，井水粲成玉。因炎入貂袖，懷溫奉芳褥。  
體密用宜通，文邪性非曲。本自江南墟，嬈娟修且綠。  
暫承君玉指，請謝陽春旭。

詠鏡臺

玲瓏類丹檻茗亭似平闕對鳳懸清冰垂龍挂明月  
照粉拂紅粧插花理雲髮玉顏徒自見常畏君情歇

詠燈

發翠斜溪裏蓄寶宕山鋒抽莖類仙掌銜光似燭龍  
飛蛾再三繞輕花四五重孤對一作樹相思夕空照舞  
衣縫

詠燭

杏梁賓未散桂宮明欲沈暖色輕帷裏低光照寶琴  
徘徊雲髻影灼爍綺疏金恨君秋月夜遺我洞房陰  
詠邯鄲故才人嫁爲厮養卒婦

生平宮闈裏出入侍丹墀開筍方羅縠窺鏡比蛾眉  
初別意未解去久日生悲顛顛不自識嬌羞餘故姿  
夢中忽彷彿猶言承讌私

詠溪鵝

蕙草含初芳瑤池暖晚色得厠鴻鸞影晞光弄羽翼

聯句

阻雪

積雪皓陰池北風鳴細枝九達密如繡何爲遠別離  
風庭舞流霰冰沼結文澌飲春離以燠欽賢紛若  
馳江秀珠囊條閒響玉雷檐下垂杯酒不相接寸心

良共知王丞融飛雲亂無緒結冰明曲池雖乖促席讌

白首信勿虧王蘭陵僧孺飄素瑩簷溜巖結噎通岐樽罍

如未澣況乃限音儀謝洗馬吳原隰望徙倚松筠竟不移

隱憂慙萱樹忘懷待山巵謝中郎緩初听逸翮舉日昃驚

馬疲幽山有桂樹歲暮方參差沈右率約

還塗臨渚

淶水纈清波青山繡芳質落景皎晚陰殘花綺餘日

何從事白沙澹無際青山眇如一傷此物運移惆悵望

還律吳郎白水田外明孤頂松上出即趣佳可淹淹留

非下秩府君遙和

紀功曹中園

蘭庭仰遠風芳林接雲嶧傾葉順清飈修莖伫高鶴

何從事連綿夕雲歸曉日將落寸陰不可留蘭墀豈

停酌吳郎丹樓猶照樹絲筠方解籜求志能爾忘即賞

謝郎壑府君

閑坐

雨洗花葉鮮泉漫芳塘溢藉此閑賦詩聊用蕩羈疾

陳郎霽微雨散葳蕤蕙草密預籍芳筵賞沾生信昭

悉紀功曹宴紫葵窗外舒青荷池上出既闔穎川扇且臥

淮南秩府君流風薄晚陰行雲掩朝日念此蘭蕙客徒

有芳菲質何從事

侍筵西堂落日望鄉

沈病已綿緒一作綿負官別鄉憂高城悽夕吹時見國

煙浮曹丞漠漠輕雲晚颯颯高樹秋鄉山不可望蘭厄

且獻酬府君受高識氣迴泉停知潦收幸遇慶延渥方

旦一作將沐恩猷紀功曹晏芸黃先露早騷瑟一作驚暮秋

舊城望已肅況乃客悠悠何從事

祀敬亭山春雨

水府眾靈出石室寶圖開白雲帝鄉下行雨巫山來

府君歌風讚靈德舞蹈起輕埃高軒乍留吹予羽或徘徊

徊何從事福降羣仙下識逸百神該青鳥飛層隙赤鯉

泳瀾隈齊舉郎

往敬亭路中

山中芳杜綠江南蓮葉紫芳年不共遊淹留空若是

府君涿水豐漣漪青山多繡綺新條日向抽落花紛已


委何從事弱萼既青翠輕莎方靡靡鷺鴉沒而遊麝麝

騰復倚齊舉郎春岸望沈沈清流見瀾瀾幸藉人外遊

盤桓未能徙陳郎鴛柁把瓊芳隨山訪靈詭榮楯每嶙

峒林堂多碣礧府君



謝宣城詩集卷第五





案直齋書錄解題云謝宣城集原本十卷宋樓  
照知宣州止以上五卷賦與詩刊之下五卷皆  
當時應用文字衰世之事可采者已見本傳及  
文選餘視詩劣焉以爲雖無傳可也故今宣城  
集止五卷明時有數刻予所見嘉靖丁酉任邨  
黎晨刊本其間紕繆舛錯殊多又正德辛未康  
海序劉紹刊本以爲世本隨王鼓吹曲與樂府  
多差謬不知其所謂勘正本差謬正復不少如  
鼓吹曲中第一首芳樹乃誤以再賦者次于前  
他人詩或在再和中者亦誤次于前并以王融


之巫山高爲宣城詩而第五卷中同咏樂器坐  
上器物諸篇涵亂錯謬尤不勝更僕數至明人  
集錄漢魏六朝諸集固無論也去秋偶從盧紹  
弓學士借得舊藏宋本視明刻迥異因卽授劑  
刷刊又愚谷叢書惜梓垂成而學士已歸道山  
不及更相與訂其亥豕矣昔人評三謝詩元暉  
差薄近有唐風顧子讀宣城集尤不能無槩于  
中者昔鄭雍糾妻祭仲女厲公與謀殺仲爲婦  
所泄而死讀春秋者猶憐之朧之告王敬則要  
亦迫于事之所不得已然敬則之敗甫踰年而

朧亦誅死豈非天哉夫士生衰世不幸又遇懿  
戚之變故宜高舉遠引以避其禍朧旣昧乎明  
哲保身之誠徒貽刑于寡妻之譏顧其詩有曰  
雖無充豹姿終隱南山霧何竟不能自踐其言  
邪因取本傳冠諸集端而爲之跋  
嘉慶元年春王正月十有八日吳騫槎客氏



9515  
9





中国书店(收)

1

10.00